



VENDIMI ËSHTË I PLOTFUQISHËM
ODLUKA JE PRAVNO-SNAZNA
GJYKATA THEMELORE / OSNOVNI SUD
FERIZAJ / UROŠEVAC

P.nr.211/16

Më
Dana

11. 07. 2016

GJYKATA THEMELORE NË FERIZAJ-Departamenti i Përgjithshëm-Divizioni Penal, në përbërje me gjyqtarin individual Faton Ajvazi, me sekretaren juridike Makfire Reçica, në çështjen penale kundër të pandehurit [REDACTED] nga [REDACTED], komuna e [REDACTED], i akuzuar sipas aktakuzës së Prokurorisë Themelore në Ferizaj PP/II.nr.171-7/16, të datës 11.03.2016, për shkak të veprës penale lëndim i lehtë trupor nga neni 188, par 1, të KPRK-së, pas mbajtjes së shqyrtimit gjyqësor, publik të mbajtur më datën 15.06.2016, në praninë e prokurorit të shtetit Visar Musa, të dëmtuares [REDACTED] dhe të akuzuarit [REDACTED], të njejtën datë publikisht merr këtë:

A K T G J Y K I M

I akuzuari [REDACTED], i lindur më [REDACTED], nga i ati [REDACTED] dhe e ëma [REDACTED], me vendbanim në [REDACTED], komuna e [REDACTED], i pa punë, pa martuar, i gjendjes së varfér ekonomike, shtetas i Republikës së Kosovës.

ËSHTË FAJTOR

Sepse

Më datë 15.02.2016, rrëth orës 17:00, në Ferizaj, në rrugën "12 Qershori", në sallonin e ondulimit "Arta", pronë e të dëntuarës, ashtu që në momentin kur viktima ka shkuar tek lokali i vetë pas një mosmarrëveshje paraprake në mes të pandehurit dhe dëmtuarës, i pandehuri ka shkuar dhe është future në lokalin e saj duke e sulmuar fizikisht duke o goditur me dor-shuplakë në fytyrë dy her dhe dore, nga këto goditje pëson lëndime të lehta trupore e dëmtuara, lëndime të përshkruara si në ekspertizën mjeko-ligjore dhe në momentin që është larguar nga lokali i ka marrë edhe telefonin e viktimës me vete e këtë telefon i dyshuar i kishte marrur me vete më pas të njejin telefon i pandehuri e dorëzon në polici dhe ja kthen të dëmtuarës.

Me çka ka kryer veprën penale lëndim i lehtë trupor nga neni 188, paragrafi 1, të KPRK-së,

Andaj, konform nenit 4,7,73,85 e 86, të KPRK-së, nenit 498 dhe 499, të KPPK-së, të pandehurit gjykata i shqipton:

VËREJTJE GJYQËSORE

E dëmtuara [REDAKTUE] nga Ferizaj, nuk ka paraqitë kërkesës pasurore – juridike.

I pandehuri obligohet që në emër të shpenzimeve të pashallit gjyqësor të paguaj shumën prej 20 Euro, në afatin prej 15 ditëve, nga dita kur aktgjykimi të merr formën e prerë.

A R S Y E T I M

Prokuroria Themelore në Ferizaj- Departamenti i Përgjithshëm, me aktakuzën e evidentuar PP.nr.171-7/16, të datës 11.03.2016, ka akuzuar të pandehurin [REDAKTUE], për veprën penale lëndim i lehtë trupor nga neni 188, par 1, KPRK-së.

Gjykata duke vepruar sipas akuzës së Prokurorit të shtetit, caktoi dhe mbajti seancën e shqyrtimit gjyqësor me datë 15.06.2016, në të cilën shqyrtim gjyqsor i akuzuari është deklaruar fajtor për veprën për të cilën e ngarkon akuza, përkatësisht e ka pranuar fajësinë duke e shprehur mendimin e thellë për veprën penale të kryer, duke i kërkuar falje të dëmtuarës si dhe duke premtuar se nuk do të përsërisë vepra të kësaj natyre.

Prokurori i shtetit Visar Musa, duke shprehur mendimin e tij përkitazi me pranimin e fajësisë, ka vlerësuar se ekziston baza për pranimin e fajësisë së të akuzuarit, duke i propozuar Gjykatës që të akuzuarin të shpall fajtorë dhe të i shqipton vërejtje gjyqsore sipas ligjit.

Pasi që i akuzuari ka pranuar fajësinë në seancën e shqyrtimit kryesor, Gjykata për të vlerësuar pranimin e fajësisë e duke pasur parasysh edhe mendimin e Prokurorit të Shtetit, shqyrtoj me kujdes faktet e parapara nga neni 248, paragrafi 4 të KPPRK-së, dhe me këtë rast vlerësoj se: i akuzuari ka kuptuar natyrën dhe pasojat e pranimit të fajit; pranimi i fajësisë është bërë vullnetarisht nga i pandehuri, pranimi i fajit mbështet në faktet dhe prova materiale

të rastit konkret dhe atë me provat e paraqitura nga Prokurori i Shtetit si dhe akuza nuk përmban asnjë shkelje të qartë ligjore ose gabime faktike.

Me qenë se i akuzuari ka pranuar fajësinë për të gjitha pikat e aktakuzës të cilat janë në përputhje me kriteret e përshkruara më lartë, gjyqtari individual konform nenit 248 paragrafit 4 të KPPK-së, ka vlerëuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsyet ka kaluar menjëherë në fjalën përfundimtare të palëve.

Prokurori i shtetit në fjalën përfundimtare ka mbetur në tërësi pranë aktakuzës së cekur më lart të datës 11.03.2016, në tërësi si në përshkrimin faktik ashtu edhe kualifikimi juridik i veprës penale veqanarisht në seancën e sotme nga pranimi i fajësisë si dhe provat mbështetëse të aktakuzës. I ka propozuar gjykatës që t'i merr parasyshë rrethanën lehtësuese se i njejti ka pranuar fajësinë, ka qenë i sjellshëm, nuk ka përsëritur veprën penale. Gjithashtu i ka propozuar gjykatës që të pandehurit t'i shqiptoj vërejtje gjyqësore.

I pandehuri [REDACTED], në fjalën përfundimtare ka deklaruar se e mbështet propozimin e prokurorit të shtetit për shqiptimin e vërejtjes gjyqësore.

Duke vlerëuar në aspektin juridik gjykata gjeti se në veprimet e të akuzuarit ekzistojnë të gjitha tiparet objektive dhe subjektive të veprës penale lëndim i lehtë trupor nga nen 188, paragrafi 1. të KPRK-së, meqë me datë, vend dhe kohë siç është përshkruar në dispozitivin e këtij aktgjykimi i akuzuari ka kryer veprën penale e cila i është ngarkuar sipas aktakuzës së Prokurorit të shtetit.

Prandaj, duke u mbështetur në nenin 498, të KPPK-së dhe nenin 85 dhe 86, paragrafi 3, të KPRK-së, gjykata i shqiptoi të pandehurit vërejtjen gjyqësore, duke i bërë atij me dije se ka kryer një vepër të dëmshme dhe të rrezikshme, që përbën vepër penale për të cilën nëse ai sërisht kryen vepër të tillë, gjykata do t'i shqiptoj sanksion më të rëndë penal.

Gjykata është e bindur se edhe me vërejtje gjyqësore, do të arrihet qëllimi i përgjithshëm i dënimive i paraparë në nenin 41, të KPRK-së, përkatësisht vërejtja gjyqësore është plotësisht e justifikueshme, në përshtatje me rrethanat e kryerjes së veprës penale, rrezikshmërinë e saj dhe të autorit të saj, që do të shërbej në parandalimin e kryesit nga kryerja e veprave penale

në të ardhmen (preventiva speciale) si dhe do të arrihet qëllimi që ti përmbaj personat e tjerë nga kryerja e veprës penale (preventiva gjenerale).

E dëmtuara [REDACTED] nuk ju ka bashkangjitur ndjekjes penale, respektivisht nuk ka paraqitë kërkesë pasurore-juridike.

Konform nenit 450-451, të KPPK-së, i pandehuri është i obliguar që në emër të shpenzimeve gjyqësore të paguaj paushallin gjyqësor në shumë prej 20 Euro, në afatin prej 15 ditëve nga dita kur aktgjykimi të merr formën e prerë, nën kërcënim të përmbarimit me dhunë.

Nga arsyet e cekura më lart gjykata vendosi si në dispozitiv të këtij aktgjykimi.

GJYKATA THEMELORE NË FERIZAJ

P.nr.211/16, më datë 15.06.2016


Sekretarja Juridike

Makfire Reçica



Gjyqtari Individual

Faton Ajvazi



Këshilla juridike: Kundër këtij aktgjykimi mund të ushtrohet ankesë, në afat prej 15 dite nga dita e pranimit të kopjes me shkrim të këtij aktgjykimi, Gjykatës së Apelit në Prishtinë, Ankesa dorëzohet nëpërmes kësaj gjykate.